

## ՊԱՏՄԱԲԱՆ ԼԵՆԴՐՈՒՇ ԽՈՒՐՇՈՒԴՅԱՆԻ ԱՆՁՆԱԿԱՆ ԱՐԽԻՎԻՑ

### Ռիզայի բանակցությունները

Ռիզայի բանակցությունները տեղի են ունեցել Հ. Յ. Դաշնակցության կողմից Ա. Ջամալյանի, Վ. Նավասարդյանի և Վ. Փափազյանի, ՌԿԿ – ի կողմից՝ Ա. Իոֆեի, Ս. Տեր Գաբրիելյանի և Վ. Տեր – Վահանյանի միջև 1921թ. հուլիս ամսին: Բանակցությունների հիմքում դրված էր մի փաստաթուղթ, որով ՌԿԿ – ն պարտավորվում էր ազդել ՌՍՖՍՀ կառավարության վրա, որպեսզի վերջինս Թուրքիային շահագրգռի Հայկական հարցի լուծմամբ, որը նշանակում էր Արևմտյան Հայաստանից տարածքներ հատկացում Արևելյան Հայաստանին՝ հայ ժողովրդի գոյության համար անհրաժեշտ պայմաններ ստեղծելու նպատակով, նույնիսկ ելք ապահովել դեպի ծով, անհրաժեշտության դեպքում ճանաչել Հայաստանի անկախությունը և այլն: Դաշնակցությունն էլ պետք է որդեգրեր ռուսական կողմնորոշում և նրա գործունեությունը լեզալացվեր: Սակայն այս բանակցությունները ձախողվում են և խորհրդային Ռուսաստանը հիմք ընդունելով Մոսկվայի պայմանագիրը՝ արգելում է դրանց շարունակությունը: Ռիզայի բանակցություններին Լ. Խուրշուդյանն անդրադարձել է իր «Հայկական Հարցը» գրքույկում (Երևան, 1995): Ակադեմիկոսի որդին՝ պատմաբան Ռուբեն Խուրշուդյանը մեր հանդեսում հրատարակելու համար նրա արխիվից տրամադրել է այս

## ՊԱՏՄԱԲԱՆ ԼԵՆԴՐՈՒՇ ԽՈՒՐՇՈՒԴՅԱՆԻ ԱՆՁՆԱԿԱՆ ԱՐԽԻՎԻՑ

բանկցություններին առնչվող արխիվային հետաքրքիր նյութեր, որոնք օգնում են լույս սփռելու բանակվցությունների ընթացքի և ձախողման պատճառների վրա: Այս համարում տպագրում ենք երկու նամակ:

Ա. Ներսիսյան

Ռուսաստանի Կոմունիստական Կուսակցության Կենտրոնական  
Կոմիտե պատվիրակության ՊԱՏՄԱԲԱՆԸ

Հայկական հեղափոխական «Դաշնակցություն» կուսակցության  
Գերագույն Մարմնի պատվիրակության առաջարկությանը

ՌԿԿԿԿ-ի պատվիրակները Հայ Հեղափոխական  
«Դաշնակցություն» կ. Գ. Մ.-ի պատվիրակների հետ ունեցած  
բանակցություններից հետ հայտարարում են, որ Հայ ժողովրդի  
ֆիզիկական գոյությունը և նրա ազատ ու անկախ քաղաքական

NONNA KHACHATRYAN, FARNOOSH KHOSHBAKHT

1.

նկախ և ինքնուրույն Հայաստանի գոյությունը որը  
ուրիշ պետությունների, այդ թվում և ՌՍՖՍՀ-ի հետ  
ունեցած իր բոլոր հարաբերություններում  
պահպաներ իր կատարյալ ինքնիշխանությունը:

2.

յսպես կոչված Թուրքահայաստանի հետ այսպես  
կոչված Ռուսահայաստանի տարածքային  
միավորումը, այսինքն՝ նախկինում հայերով  
բնակեցված թուրքական տարածքի միավորումը  
առաջինին, բավական է Հայաստանի ազատ  
տնտեսական ու քաղաքական գոյության համար:

Ռ.Կ.Կ.Կ-ն իր վրա պարտավորություն է վերցնում  
ներգործելու ՌՍՖՍՀ-ի Կառավարության վրա՝ որպեսզի նա  
ստանձնի նախաձեռնություն և աջակցություն ցույց տա 2-րդ

ՊԱՏՄԱԲԱՆ ԼԵՆԴՐՈՒՇ ԽՈՒՐՇՈՒԴՅԱՆԻ ԱՆՁՆԱԿԱՆ ԱՐԽԻՎԻՑ

կետում նշված անհրաժեշտությունը իրականացնելու համար:

Ռ.Կ.Կ.Կ.Կ-ն ի գիտություն է ընդունում Հ.Հ. «Դաշնակցություն» կուսակցության հայտարարությունը, որ 1 և 2 կետերում նշված դրույթները կենսագործող Հայաստանի Կառավարությունը խոստանում է իր լիակատար աջակցությունն ու հնարավոր օգնությունը և մասնավորապես պարտավորում է.

ա/ ինչպես իր հայրենիքում, այնպես էլ նրանից դուրս ազիտացիա մղել Հայ ժողովրդի շրջանում, նպատակ ունենալով նրան միավորել Հայաստանի Կառավարության շուրջը, որը կենսագործում է 1 և 2 կետերում նշված դրույթները:

բ/ ամեն կերպ աջակցել, որ ստացվեն Եվրոպական տերություններ օգնությունն ու աջակցությունը՝ ՌՍՖՖՆՀ-ի նախաձեռնությամբ հայկական հարցը վերոհիշյալ իմաստով լուծելու գործում:

գ/ իր կողմից ուժերը ներածի չափ ներգործել Թուրքիայի վրա, նպատակ ունենալով ստանալ նրա համաձայնությունը՝ վերը նշված իմաստով Թուրքահայաստանից բավականաչափ տարածք Ռուսահայաստանին միացնելու համար:

ՌԻԳԱ, Բիլդերլինգհոֆ

14 հուլիսի 1921 թվականի:

ՌԿԿԿԿ Քաղբյուրո ընկ. Մոլոտովին

Արտգործող կոմ քնկ. Չիչերինին

Հարգելի ընկերներ.

Նոր ընկ. Չիչերինից ստացա մի ծածկագիր հերագիր այն հաղորդմամբ, որ Կենտկոմը վճռականորեն մերժում է դաշնակների հետ կնքված համաձայնագրի նախագծի 2-րդ կետը, որ համաներման հարցը քննարկվելու է Երևանում, որ բոլորովին անհանդուրժելի է շոշափել Թուրքահայաստանի հարցը, քանզի մենք հաստատակամորեն պահպանում ենք Մոսկվայի պայմանագիրը, և ուստի մեծ դժբախտություն կլինի, եթե դաշնակների մոտ մնա մեր կողմից նախաստորագրված թուղթը: Ընկ. Չիչերինն ասում է, որ մենք, սարսափելի դժվարին կացության մեջ ենք գցել, և հարցնում է, թե չի կարելի այնպես կազմակերպել, որ «հետքեր չմնան»:

Ես խորապես ափսոսում եմ, եթե ականա անախորժ դրության մեջ եմ գցել, բայց ինձ մեղավոր համարել չեմ կարող: Այս մասին՝ ստորև: Նախ և առաջ ես կցանկանայի նշել, որ հետքերը վերացնել հիմա, ցավոք, արդեն անհնար է. եթե նույնիսկ ինձ հաջողվեր զանազան խորամանկությունների միջոցով դաշնակներից հետ ստանալ այդ «չարաբաստիկ» թղթի կտորը, ապա այդ դեպքում ևս «հետքեր» կմնային: Քանի որ այժմ արդեն չի կարելի բանակցությունները ոչնչացնել և դրանք մինևույն է՝ կմնան որպես փաստ, այսինքն՝ մի փաստ, որը թողթիկի ոչնչացման դեպքում անգամ կմնա և բանակցությունների ժամանակ ամբողջ ասվածը: Բայց ես մի անգամ ևս կրկնում եմ, որ

մեր բոլոր հայտարարություններն այստեղ մենք արել ենք **բացառապես անձամբ մեր անունից**, ինչը բազմիցս ընդգծվել է մեր կողմից, և ուստի դրանք ոչ մի պարտադիր ուժ չունեն: Այդ պատճառով էլ մենք այստեղ ոչինչ չենք ստորագրել: Եթե անգամ ընդունենք, որ իմ և անձնական հայտարարությունները, իրավական ուժ ունեն, ապա ես կաշխատեմ ստորև ցույց տալ, թե այդ անախորժ դեպքից կարելի է անել շահավետ կոմբինացիա: Իսկ այժմ ես ուզում եմ երկու կետով շոշափել գործի փաստական կողմը:

Բացարձակապես ոչ մի ինֆորմացիա և բոլորովին ոչ մի դիրեկտիվ կամ ցուցում ես ստացած չեմ եղել, և հենց այդ բանակցություններում ես, իհարկե, չէի կարող գիտենալ, թե ինչն է վնասակար և ինչը՝ օգտակար: Իսկ քանի որ բանակցությունների ժամանակ այնուամենայնիվ լռել չի կարելի, քանզի այդ դեպքում ոչ մի բանակցություն էլ չէր լինի, իսկ մեր արևելյան քաղաքականությունը շատ քիչ ու շատ վատ է հայտնի ինձ (ի դեպք նշեմ, որ հենց Մոսկվայի պայմանագիրն ինձ իմիջայլոց է հայտնի), - ապա իմ բոլոր ճառերում ու հայտարարություններում ես բնականաբար կարող էի ելնել մեր միջազգային քաղաքականության ընդհանուր նախադրյալներից: Կտրականապես պնդում եմ, որ դաշնակների հետ բանակցությունների ամբողջ ընթացքում ես այնպիսի բան հայտարարած չեմ եղել, ինչ որ մենք արդեն վաղուց ու բազմիցս ասել էինք: Դեռ Բրեստի ժամանակ մենք բոլորս ( և ես անձամբ Հաքքի փաշայի հետ բանակցություններում) ասում էինք, որ մենք հայկական հարցի լուծումը չենք պատկերացնում առանց Թուրքահայաստանի հարցի լուծման, և պահանջում էինք ինքնորոշման իրավունք նաև հայ փախստականների համար,

նույն բանը ես բազմիցս հայտարարել եմ Բեռլինում՝ Թալաաթի հետ իմ ունեցած բանակցությունների ժամանակ, նույն բանը անցյալ տարի դաշնակներին հայտարարեցին Կամեննը և Լիտվինովը, ինչի մասին դաշնակների մոտ կան միանգամայն իրական «հետքեր», նույն բանը, վերջապես, կա նաև մեր կառավարության և Կոմինտերնի բազմաթիվ հայտարարություններում: Կրկնում եմ, Ռիգայում մենք ոչ մի նոր բան չէինք ասել, բայց բազմիցս վերապահում էինք անում, որ մենք ասում ենք անձամբ մեր անունից: Իսկ եթե այդ ամենը հարկավոր էլ չէր ասել, ապա հարկավոր էր մեզ զգուշացնել: Սակայն ես մինչև հիմա էլ համաձայն չեմ, որ հարկավոր չէր այդ բանն ասել:

Ես ելնում եմ ընդհանուր քաղաքական իրադրության իմ ըմբռնումից, և, զլխավորապես, իհարկե, իմ սեփական **ելքոպական** տեսակետից: Ինչպես միշտ, ես առանձնապես հաշվի էի առնում այն, թե բանակցություններն ու համաձայնությունը դաշնակների հետ ինչ տպավորություն կարող են գործել խոշոր կապիտալիստական երկրների պրոլետարական զանգվածների վրա: Որքան էլ կարևոր լինեն ամեն կարգի բանակցությունների գործնական արդյունքները ինքնին, ես, սակայն, միշտ առանձնապես հաշվի եմ առնում դրանց ազիտացիոն-պրոպագանդիստական նշանակությունը և երբեք չեմ ասում անգամ մեկ մի խոսք, որը այս տեսակետից կարող էի օգտագործված լինել մեր դեմ, ինչի պատճառով այնքան հաճախակի են կոնֆլիկտները Արտգործողկոմատի հետ:

Ինքնորոշման հարցը մեր միջազգային ազիտացիայի ամենաարմատական հարցերից մեկն է: Իմպերիալիստական խառնակցությունը, որը հանգեցրեց համաշխարհային

պատերազմին և էլ ավելի է արվել դրանից հետո, քանի որ զանգվածներին մղում է դեպի մեր կողմը, քանի որ մենք այդ խառնակչությանը ոչ մի մասկացություն չունենք և ոչ մի իմպերիալիզմ չենք ծածկում, այլ հանդիսանում ենք բոլոր ճնշված ժողովուրդների միակ ու ճշմարիտ պաշտպանները: Հենց այժմ, երբ մեր իրական քաղաքականությունը Կովկասում որոշ հակասության մեջ է մտել այդ իդեալական քաղաքականության հետ, երբ ազիտացիան մեր դեմ կովկասյան սոցիալ-համաձայնողականների կողմից անկասկած խիստ վնասում է մեզ, իմ կարծիքով աննպատակահարմար կլիներ հայկական հարցը իբրև մեր հարցը ճանաչելուց հրաժարվելը և այդ հարցում գրավել այնպիսի դիրք, որը տարբերվում է այն դիրքից, որ մենք գրավում ենք Բրեստի ժամանակներից: Հենց հիմա, երրորդ ինտերնացիոնալի ճգնաժամի և արևմտյան բանվորների մտքերում ստեղծված անխուսափելի խառնաշփոթության պահին, նկատի ունենալով մեր այսպես կոչված «աջացումը» ներքին քաղաքականության մեջ, առանձնահատուկ ուղղազիծ մեր միջազգային քաղաքականությունը, այն խիստ կարևոր նշանակություն ունեցավ: Մեր ամենաղաղակող թշնամու՝ դաշնակների անցումը մեր կողմը ոչ միայն մահացու հարված կհասցնեք Չինիձեի ու ընկ. Ազիտացիային այլև կլուսավորեք որոշ չափով տատանվող բանվորների մտքերը Արևմուտքում, որոնց բոլոր կողմերից ջանում են համոզել, որ կոմունիստական փորձերը Ռուսաստանում կատարյալ անհաջողության են մատնվել, քանի որ Լենինը իբր ստիպված էր նահանջել ներքին քաղաքականությունում, որտեղ նա ընթանում է դեպի «ներքին կապիտալիզմ» և արտաքին քաղաքականության մեջ, որտեղ նա ստիպված է համաձայնության դիմել որոշ իմպերիալիստների

հետ, ավելի թույլերին հռչակելու հանձնելով ավելի ուժեղների (Անգլիայի հետ կնքված համաձայնությամբ նրան հանձնվեցին ինդուսները, աֆղանները և այլն, Քեմալի հետ կնքված պայմանագրով հայերի հանձնումը թուրքերին և այլն): Հենց Արևելքում ինքնորոշման պաշտպանության գնի ուղղվածությունը պետք է ունենա առանձնահատուկ կարևորություն, քանի որ Արևելքում ավելի, քան ուրիշ որևէ տեղ, ազգային ազատագրական շարժումը շարունակվում է և կրնաթանա կոմունիստական դրոշի ներքո, քանի դեռ մենք դրան հավատում ենք:

Ես ամենին չեմ կասկածում, որ **Էվրոպական տեսակետից մեր նման վարքագիծը և մեր համապատասխան պատասխանը դաշնակներին միայն օգտակար կլինեն**: Եվ ես չեմ հասկանում, թե այս ամենը ինչպես կարող էր գանահատվել իբրև քեմալականների հետ կնքված Մոսկվային պայմանագրի խախտում: Չէ որ մենք պետք է և կարող էինք մեր պատասխանը հաղորդել դաշնակներին՝ Անկարա, որպես ՌԿԿԿԿ-ի սկզբունքային կարծիք, այլ ոչ թե կառավարության կարծիք, և որ ՌՍՖՄՀ-ի կառավարությունը խստորեն պահպանելով Մոսկվայի պայմանագիրը, և չի ցանկանում միջամտել ոչ Թուրքիայի, ոչ Հայաստանի ներքին գործերին, Անկարայի կառավարությանը Խորհրդային Հայաստանի հետ բանակցությունների մեջ մտնել այն հիման վրա, որ իրենք՝ քեմալականներին արդեն բանակցություններ էին վարում դաշնակների հետ, այսինքն՝ Հայաստանի նախկին կառավարության հետ: Կրկնում եմ, չեմ կարող հասկանալ, թե դա ինչպես կարելի էր համարել պայմանագրի խախտում, բայց ես լիովին հասկանում եմ, որ Քեմալը անհարմար դրության մեջ կրնկներ, քանզի չէր կարողանա մեզ պատասխանել, որ դաշնակներին առաջարկում էր

Թուրքահայաստանի մի մասը Ռուսահայաստանի ապախորհրդայնացման դիմաց, և միննույն ժամանակ, երբ այժմ սիրախաղ է անում Անտանտի հետ, պարտավորություն ունենալով հայկական հարցում, չէր կարող պատասխանել մեզ, որ թքած ունենա հայերի վրա և ոչ մի բանակցություն էլ չի ցանկանում Հայաստանի հետ: Այսինքն՝ Քեմալը լավ դաս կատանար, որ հարկավոր չէ մեր թիկունքում վարել մեր դեմ թշնամական քաղաքականություն: Իսկ ես ենթադրում եմ, որ մեր բոլոր ականա հովանավորյալներին հարկավոր է ժամանակ առ ժամանակ դասեր տալ:

Սակայն ես չեմ համարձակվում դատել, թե հարցն ինչպես է դրված արևելյան տեսակետից, մինչև որ տեղում չճանաթանամ արևելքի հետ: Ես ըստ երևույթին ինձ համար պատկերացնում եմ այնպիսի դրություն, երբ քեմալականների համար մեր կողմից ստեղծվող ամեն մի անհարմարություն անշահավետ է նաև մեզ համար: Ես հասկանում եմ նաև, որ որոշակի պայմաններում մենք կարող ենք ստիպված լինել վարել այնպիսի քաղաքականություն, որի դեպքում պաշտպանելով փոքր ժողովուրդներին, մենք փաստորեն ստիպված ենք նրան հանձնել քեմալիստական իմպերիալիզմի հռչակմանը, ինչը կարող է ստեղծել այնպիսի իրավիճակ, երբ մեր լավ վերաբերմունքով իսլամիզմի հետ ամեն ինչ կարող է գոհաբերվել և երբ, հետևաբար, լավագույն դիվանագիտությունը կլիներ մեր բոլոր այդ մեղքերը սքողելու ու մեր ընդհանուր գծի խտտորումները սքողելու ունակությունը:

Եթե Արևելքում լինեի իրոք նման քաղաքականության անհրաժեշտությունը, ապա մենք այստեղ բազմաթիվ սխալներ կգործեինք: Դրա մեղքը ընկնում է նրանց վրա, ովքեր մեզ չեն

նախագգուշացրել, բայց, սխալներն ուղղել հարկավոր է: Հարց է, թե ինչպես:

Ես հիմա էլ ոչ մի ցուցում չունեմ: Եթե ես պարզապես հաղորդեմ դաշնակներին, որ երկրորդ կետը բացարձակապես անընդունելի է, ապա իմ կարծիքով կստացվի մի սխալ ես: Դաշնակներն ու արտասահմանում ունեցած նրանց բոլոր օրգանները, որոնք ամենուրեք ճանաչված են նրանց կողմից, որպես հայկական հանրապետության պաշտոնական ներկայացուցչություններ, վայնասուն կբարձրացնեն և ամեն կերպ տհաճություն կպատճառեն մեզ, իսկ Քեմալի առջև մենք ոչինչ չենք շահի, քանզի բանակցություններն ու մեր այստեղի հայտարարությունները նրան հայտնի կդառնան: Ուստի դաշնակներին հարկավոր է ձգձգել: Ես նրանց կասեմ, որ ոչ մի պատասխան չեմ ստացել և Մոսկվայից պատասխան չեմ խոստանում: Երկուշաբթի կմեկնեմ, և կխոսենք ու կծրագրենք, թե ինչ պատասխանենք նրանց: Ինչ վերաբերում է քեմալականներին, ապա իմ, «սխալով» (եթե դա սխալ է) իմ կարծիքով դեռ շատ բան կարելի է շահել: Իմ կարծիքով, հարկավոր է ընդհանրապես այս դեպքում նացառեմուեվի(՝) միջոցով հաղորդել, որ դաշնակներն են խնդրել բանակցություններ ՌԿԿԿԿ-ի հետ՝ Հայաստանում համատեղ աշխատանքի հարցի մասին: Այդ բանակցությունների ժամանակ նրանք համառորեն պնդում էին հայկական հարցը: Կենտկոմի ներկայացուցիչները արտահայտվեցին սկզբունքորեն... և այդ ժամանակ էլ շարադրեցին երկրորդ կետը, բայց ՌՄՖՆՆՀ կառավարությունը այն աստիճան լոյալ է Մոսկվային պայմանագրի իրականացման գործում, որ ներգործում էր ՌԿԿԿԿ-ի վրա՝ նրա ներկայացուցիչների այդ հայտարարությունը գրելու առիթի իմաստով: Եվ դա չնայած այն բանին, որ

ՊԱՏՄԱԲԱՆ ԼԵՆԴՐՈՒՇ ԽՈՒՐՇՈՒԴՅԱՆԻ ԱՆՁՆԱԿԱՆ ԱՐԽԻՎԻՑ

դաշնակները պաշտոնապես հայտարարեցին Քեմալի կառավարության հետ իրենց բանակցությունների մասին, և որ վերջինս խոստացավ նրանց Թուրքահայաստանի մի մասը Խորհրդային Հայաստանի ապախորհրդայնացման դիմաց: Այսպիսով ոչ մի միջադեպ նույնիսկ այդ դեպքում չի կարող ծառայել մեր, բարեկամության, ամրապնդմանը Քեմալի հետ: Եթե իմ Արևելք մեկնելը նման բնույթ ունենա, ինչպես ես եմ ենթադրում, և ես լինեմ Անկալայում, և եթե նման քաղաքականությունը Քեմալի նկատմամբ, տեղում ծանոթանալուց հետո լինի նամական, ապա ես ինքս էլ Անկարայի կառավարության հետ կկարողանամ խոսել նույն ոգով: Ավելի հանգամանորն՝ անձնական զեկուցման ժամանակ:

Ռիգա, 28/VII, 1921 թ.

Կոմունիստական ողջույնով՝ Ա. Իոֆե